



ՆՈՐՈՒԹՅՈՒՆՆԵՐ՝ ԾՐԱԳՐԻ ԳՈՐԾՈՒՆԵՈՒԹՅԱՆ ՄԱՍԻՆ

SMARTI ծրագրի կառավարման խորհրդի ամենամյա հանդիպում

2024 թ. մայիսի 5-ին Լատվիայի Հանրապետության Ռիգա քաղաքում տեղի ունեցավ SMARTI ծրագրի կառավարման խորհրդի հանդիպումը, որի ընթացքում ծրագրի համակարգող Ջերարդ Փալենը ներկայացրեց ծրագրի իրականացման ընթացքը, արդյունքները և հետագա գործառնությունները: Մասնավորապես բնակարանային Անգլերենը՝ որպես դասավանդման միջոց (ԱԴՄ) մակնիվարժական ձեռնարկի մեկնման և հրապարակման, արտաքին գնահատողների դիտարկումների, հայաստանյան գործընկեր համալսարանների՝ ԱԴՄ կենտրոններում անցկացված պիլոտային դասընթացների և այդ կենտրոնների հավատարմագրման մասին՝ իրականացված «Մասնագիտական կրթության որակի ապահովման ազգային կենտրոնի» (ՈԱԱԿ) համակարգմամբ:

Միաժամանակ SMARTI-ի ծրագրի հասարակայնության հարցերով պատասխանատուները Հյուսարդո Կարդոսյի հետ բնակարանային մի քանի կարևոր հարցեր, որոնք առնչվում էին Իրազեկման և Կայունության պլաններում նշված գործառնությունների առաջընթացին:



Ա.ՋԱ.ԿՅՈՒԹՅՈՒՆ ԱՆԳԼԵՐԵՆՈՎ ԴԱՍԱՎԱՆԴԵԼՈՒ
ՆՈՐԱՐԱՐԱԿԱՆ ՄԵԹՈՂԱԲԱՆՈՒԹՅԱՆԸ,
ՄՈՏԵՅՈՒՄՆԵՐԻՆ ԵՎ ԳՈՐԾԻՔԱԿԱԶՄԻ
ԿԻՐԱՌՄԱՆԸ՝ ԿՐԹՈՒԹՅԱՆ
ԱՐԴՅՈՒՆԱՎԵՏՈՒԹՅՈՒՆԸ, ԿԱՅՈՒՆՈՒԹՅՈՒՆԸ ԵՎ
ՄԻՋԱԶԳԱՅՆԱՅՈՒՄԸ ԲԱՐԵԼՍՎԵԼՈՒ ՆՊԱՏԱԿՈՎ

Ծրագիրը ֆինանսավորել է Եվրոպական հանձնաժողովը: Սույն լրատուն արտացոլում է միայն հեղինակ(ներ)ի տեսակետները, և հանձնաժողովը պատասխանատու չէ դրանում տեղ գտած տեղեկության օգտագործման համար:

Վերապատրաստման դասընթաց՝ Ռիգայի տեխնիկական համալսարանում

Մայիսի 7-10-ը Ռիգայի տեխնիկական համալսարանում տեղի ունեցավ փոփոքր ուսուցում SMARTI ծրագրի ժողովակներում: Միջոցառմանը մասնակցում էին ԵՄ ու Հայաստանի բուհերի և ՈԱԱԿ-ի 28 ներկայացուցիչներ:

Աշխատաժողովը հազեցած էր վարպետության դասերով՝ նվիրված համալսարանների միջազգայնացմանը, Եվրոպական կրեդիտների փոխանցման և կուրսիման համակարգի ներդրմանը, ԱԴՄ ուսումնական ծրագրերի մեակմանը, հումանիտար քվային գիտություններում ԱԴՄ մերոզգբանության մեակման տեսական և գործնական մոտեցումներին: Դասախոսություններով հանդես եկան տարբեր ոլորտների առաջատար մասնագետներ Քարլիս Վալտինսը, Ինես Կոկտեն, Իգոր Տիպանը, Գյունգարս Ալֆոնսը, Մարինա Սերպինսկան:

ՌՏՀ-ում ԱԴՄ ուսուցմանը նպաստող միջավայրին ծանոթանալու նպատակով միջազգային նախագծերի համակարգող Էլնա Էյզենիան կազմակերպեց ժողով՝ բուհի տարբեր մասնագետներին գործող լաբորատորիաներով, որոնք հազեցած էին արդիական սարքավորումներով: Հյուրերի համար կազմակերպվեց նաև Ռիգայի հին ֆաղափում մեակուրային ժրջագայություն:



SMARTI ծրագրի հանրահոչակում՝ ռեկտորների խորհրդի նիստին

2024 թ. փետրվարի 23-ին տեղի ունեցավ բուհերի ղեկավարների խորհրդի նիստ, որին ՀՀ պետական կառավարման ակադեմիայի (ՀՀ ՊԿԱ) ղեկավար Խաչատուր Ղազեյանը ներկայացրեց SMARTI ծրագիրը՝ ներկաներին ծանոթացնելով ծրագրի գործընկերներին, հիմնական նպատակները և ակնկալվող արդյունքները: Ընդգծելով համալսարանների համար միջազգայնացման և շարժունության նշանակությունը՝ պարսն Ղազեյանը հորոգրեց գործընկերներին կիսվել իրենց միջազգային նախագծերի արդյունքներով՝ նկատի ունենալով տարածման առանցքային դերը առավելագույն ազգեցության հասնելու գործում: Ռեկտորը շահագրգիռ բոլոր կողմերին հրավիրեց մասնակցելու SMARTI ծրագրի ժրջանակում անցկացվող վերապատրաստման դասընթացներին՝ լեզվի իմացության և ակադեմիական զբրագանցության զարգացման գործում խրանելով ավելի լայն մասնակցությունն ու համագործակցությունը:

SMARTI ծրագրի հանրահոչակում՝ «Կրթություն և կարիերա» ցուցահանդեսին



2024 թ. ապրիլի 10-12-ը Կ. Դեմիրեյանի անվան մարզահամերգային համալիրում ՀՀ ՊԿԱ-ն մասնակցեց «Կրթություն և կարիերա» ամենամյա միջազգային մասնագիտացված ցուցահանդեսին, որն անցկացրին Հայաստանի արդյունաբերողների և գործարարների միությունն ու LOGOS EXPO Center ցուցահանդեսային ընկերությունը ՀՀ ԿԳՄՍ նախարարության աջակցությամբ: Միջոցառմանը մասնակցում էին չորս երկրների ավելի քան կրթական 120 հաստատությունների ներկայացուցիչներ:

ՀՀ ՊԿԱ-ի տողավարը տպավորիչ ձևավորում ուներ և տրամադրում էր անհրաժեշտ տեղեկություն բուհ ընդունելության, ծրագրերի, լրացուցիչ կրթության, ուսանողական կյանքի և զեղչերի մասին: Որպես SMARTI ծրագրի հայաստանյան համակարգող՝ ակադեմիան ցուցահանդեսին ծրագիրը ներկայացրեց բաներներով, թուղցիկներով և Շաղկիկներով՝ գրավելով երիտասարդ ներկաների ուշադրությունը:



COIL

Collaborative Online International Learning




Դրեգդենի տեխնոլոգիական համալսարանի ուսանողների անցկացրած COIL հանդիպումը


2024 թ. մայիսի 29-ին Դրեգդենի տեխնոլոգիական համալսարանի ուսանողներն անցկացրին «Համագործակցային առցանց միջազգային ուսուցման» (COIL) դասընթացը՝ «Ուսանողից մինչև ձեռնարկատեր. անհրաժեշտ հմտություններ և գործարարական ու շուկայավարական նախագծի ստեղծման խորհուրդներ» թեմայով:

Հանդիպմանը Դրեգդենի տեխնոլոգիական համալսարանի, Հայաստանի և Ուգանդայի ուսանողները հավաքվել էին՝ ուսումնասիրելու ուսանողից մինչև ձեռնարկատեր ձգվող ճանապարհը: Բավական հագեցած դասերին մասնակիցները, չնայած գործարարության մեջ լայնածավալ գիտելիքներ և հմտություններ չուսուցանված, պատրաստակամ ներգրավվում էին ձեռնարկատիրական ռազմավարական նախագծման աշխատանքներին:

Դրեգդենի տեխնոլոգիական համալսարանի ուսանողները, որոնց առաջին փորձն էր նման ձևաչափով դասընթաց անցկացնելու, նպատակ ունեին՝



ներկայացնելու ձեռնարկատիրական հմտությունների զարգացման հոր մոտեցումները՝ ցույց տալով, թե ինչպես կարող են բիզնեսի ոլորտում չուսումնասիրող ուսանողները սովորել գնահատել ռիսկերը բիզնես սխեմիս, բնարկել ֆինանսավորման գաղափարներ, ինչպիսին դրամանավաճ է (ֆրաուդֆանդինգ),



տրամադրելու խորհուրդներ բիզնես պլան և մարքեթինգային պլան կազմելու վերաբերյալ:

Ներկայացումներն ուղեկցվեցին հարցուպատասխանով, գործընկերների կարծիքներով և ինքնագնահատմամբ: Բոլոր մասնակիցները ոգևորությամբ էին արտահայտվում մատուցված նյութի անհրաժեշտության և արդյունավետության վերաբերյալ: Ոգեհեղուկ էր այն, թե ինչպես են համախմբվում և զարգացնում իրենց ձեռնարկատիրական հմտությունները տարբեր մշակութային և կրթական միջավայրերի ուսանողները:



SMARTI ծրագրի հանրահռչակում՝ ԵՊՀ-ում

Մայիսի 29-ին Երևանի պետական համալսարանում (ԵՊՀ) տեղի ունեցավ 2023-2024 ուստարվա ընթացքում **Հրազմուս+** ծրագրի մասնակցած աշխատակիցների և ուսանողների հանրային հաշվետվությունը:

Հրազմուս+ ծրագրի օբյեկտներում ԵՊՀ-ի՝ Երևանի ու վերապատրաստման մասնակցած ուսանողներն ու դասախոսները (Հեղինե Բասակյան, Արտակ Հովհաննիսյան, Մարիամ Հարությունյան, Գայանե Հարությունյան, Մարինե Գրիգորյան, Անի Սահակյան, Վեներա Զաֆարյան) սահիկաբարձի միջոցով ներկայացրին Ռումինիայի, Իսպանիայի, Պորտուգալիայի, Ավստրիայի և Լատվիայի գործընկեր համալսարաններում իրենց կատարած աշխատանքները:

ԵՊՀ արտաքին համագործակցության կապերի կենտրոնի սնօրեն Հովիկ Մելնոնյանը համառոտ ներկայացրեց SMARTI ծրագրի ընթացիկ վիճակը:

SMARTI ՈՒՍՈՒՑՈՒՄ ԵՎ ՈՒՍՈՒՄՆԱՌՈՒԹՅՈՒՆ



ԱԴՄ մոդուլների 2-րդ փորձարկում՝ ՀՀ ՊԿԱ-ում

ՀՀ պետական կառավարման ակադեմիայում (ՀՀ ՊԿԱ) փետրվարի 26-ին ավարտվեց SMARTI ծրագրի պիլոտային երկրորդ դասընթացը, որին մասնակիցները երեք անգամ հնարավորություն ունեցան ունկնդրելու դասընթացավարներ Լուսինե Գրիգորյանին և Վիլեն Խաչատրյանին: Վերջին՝ երրորդ հանդիպմանը ՀՀ ՊԿԱ միջազգային համագործակցության և զարգացման կենտրոնի գլխավոր մասնագետ Լ. Գրիգորյանն ամփոփեց նախորդ հանդիպումների աշխատանքը՝ հիշեցնելով վերլուծական մտածողության և իրավիճակային խնդիրներում դրա կիրառության մասին: «Անգլերենով դասավանդման բանավոր հմտություններ» մոդուլի շրջանակում նրա վերջին բանախոսությունը վերաբերում էր բնագիտական մտածողությանը և գրավոր խոսքում դրա զարգացման անհրաժեշտությանը: Մասնակիցներին առաջադրված իրավիճակային խնդիրն այս անգամ վերաբերում էր հանդուրժողականությանը (մասնավորապես՝ կրոնական), և երկու խմբի բաժանված ունկնդիրները փորձում էին անգլերենով հիմնավորել հարցի վերաբերյալ միմյանցից տարբերվող մտեցումները:



Մասնակիցների ոգևորությունը շարունակվեց նաև հաջորդ դասընթացավարի՝ ՀՀ ՊԿԱ կառավարման ամբիոնի վարիչ Վ. Խաչատրյանի՝ արհեստական բանականությանը վերաբերող բանախոսության ժամանակ, որին հաջորդեց արհեստական բանականության դրական և բացասական կողմերի մասին բնագրված: Երկու խմբերի ներկայացրած փաստարկներն էլ բավական համոզիչ էին, ուստի ներկայները եկան այն եզրահանգման, որ միայն ժամանակը կարող է տալ «Ինչպիսի՞ ազդեցություն է ունենալու արհեստական բանականությունը մարդկության վրա» գլխավոր հարցի պատասխանը:



Դասընթացի ավարտին ՀՀ ՊԿԱ ղեկավար Խաչատուր Ղազեյանը նախ շնորհակալություն հայտնեց ծրագրի կազմակերպիչներին, աջակիցներին և մասնակիցներին, այս պատահեցրեց, որ հետո չէ այն օրը, երբ ակադեմիայում ուսուցանվող առարկաների շարժում ծրագրի շնորհիվ կներդրվեն երկու լեզվով (հայերեն և անգլերեն) դասավանդվող առարկաներ: Խ. Ղազեյանը շնորհավորեց ունկնդիրներին նման հետաքրքիր դասընթացի մասնակիցը լինելու համար՝ հանձնելով նրանց մասնակցության վկայականներ:



ԱԴՄ մոդուլների 2-րդ փորձարկում՝ ՀԱԱՀ-ում

2024 թ. փետրվարի 2-ին Հայաստանի ազգային ազրարային համալսարանում (ՀԱԱՀ) մեկնարկեց SMARTI ծրագրի շրջանակում իրականացվող երկրորդ պիլոտային դասընթացը: Մի ֆանի օր անց՝ փետրվարի 16-ին ՀԱԱՀ-ը հյուրընկալեց Լիվերպուլի Ջոն Մուրսի համալսարանի (SMARTI նախագծի գործընկեր) ներկայացուցիչներ Ամանդա Մասնին և Քեյսի Բունտսին դասընթացի արտաքին գնահատում անցկացնելու համար:



SMARTI ծրագրի համակարգող, հետազոտող-դասավանդող Լիանա Վարդանյանը «ԱԴՄ մոտեցմամբ բանավոր դասավանդման հմտություններ» թեմայով դասընթացի ընթացքում մասնակիցներին անգլերենով ներկայացրեց դասավանդման մի շարք մեթոդների, դրանց շնորհիվ ուսանողների տրամաբնությունը զարգացնելու և դասերին ներգրավելու հետաքրքիր լուծումների մասին: Դասընթացն անցավ շատ ջերմ ու ակտիվ մթնոլորտում:

Ճեզրիտ գյուղատնտեսության մասնագետ Սերյոժա Կարապետյանը «Անգլերենը՝ հատուկ նպատակների համար» մոդուլի շրջանակում գործընկերներին ներկայացրեց ճեզրիտ գյուղատնտեսության ոլորտում կիրառվող նորագույն տեխնոլոգիաների և դրանց արդյունավետության մասին:

Երկու դասընթացավարներն էլ մասնակիցներին հետ ծավալեցին ակտիվ ու հետաքրքիր ֆենարկում: Ձևավորելով մի ֆանի խմբեր՝ նրանք տեղում կիրառեցին դասի շրջանակում առաջարկված մեթոդները: Այդ ամենին զուգահեռ տեղի ունեցավ դասընթացավարների գնահատում: Ավարտին SMARTI ծրագրի գործընկեր Քեյսի Բունտսն իր հիացմունքը հայտնեց ՀԱԱՀ գործընկերներին:



ԱԴՄ մոդուլների 2-րդ փորձարկում՝ ՇՊՀ-ում

Փետրվարի 15-ին Շիրակի պետական համալսարանում (ՇՊՀ) տեղի ունեցավ «ԱԴՄ որակի ապահովում» և «ԱԴՄ հետազոտական աշխատանք գրելու հմտություններ» կրթական մոդուլների փորձարկման երկրորդ դասընթացը, որն անցկացրին **Էրազմուս+ SMARTI** ծրագրի ՇՊՀ համակարգող Հովիկ Մելքոնյանը, օտար լեզուների և գրականության ամբիոնի դասախոս Հասմիկ Մատիկյանը և մաթեմատիկայի, ֆիզիկայի և ՏՏ ամբիոնի դասախոս Կարլեն Մանուկյանը:

ՇՊՀ-ի նորաբաց **ԱԴՄ** կենտրոնում ռեկտոր Երվանդ Սերոբյանը ողջունեց աշխատաժողովի մասնակիցներին՝ առանձնակի արժևորելով **SMARTI** ծրագրի դերը և անհրաժեշտությունը համալսարանի համար՝ մոդելավորելով արդյունավետ աշխատանքային ընթացք: Նա շնորհավորեց և հավաստագրեր հանձնեց ՇՊՀ ներկայացուցիչներին՝ պատմության և իրավագիտության ամբիոնի դոցենտ Արտակ Հովհաննիսյանին, Թարգմանչական գործ (անգլերեն-հայերեն) մասնագիտության երրորդ կուրսի ուսանողուհիներ Անի Արայանին, Մարիանա Հարությունյանին և Ախդա Վարդանյանին, Իրեզդենի տեխնոլոգիական համալսարանի անցկացրած **COIL** միջոցառմանը մասնակցելու համար:

Մինչ դասընթացի մեկնարկը **SMARTI** ծրագրի արտաքին փորձագետները՝ Լիվերպուլի գործընկեր համալսարանի դասախոսներ Ամանդա Մեյսոնը և Քեյսի Բիմոնթը, աշխատանքային հանդիպում ունեցան ՇՊՀ-ի ռեկտոր Երվանդ Սերոբյանի, Որակի ապահովման բաժնի պետ



Գայանե Ավետիսյանի և արտաքին համագործակցության կենտրոնի տնօրեն Հովիկ Մելքոնյանի հետ: Նրանք բնորոշեցին ծրագրի շրջանակներում իրականացված և առաջիկայում նախատեսվող աշխատանքներին առնչվող հարցեր:

Մայիսի 29-ին ՇՊՀ-ի նիստերի դահլիճում բուհի ռեկտոր Ե. Սերոբյանը հանդիսավոր արարողությամբ վկայականներ հանձնեց մոդուլների պիլոտային դասընթացները հաջողությամբ հաղթահարած մասնակիցներին: Ռեկտորն իր ողջույնի և շնորհավորանքի խոսքում նշեց, որ շատ կարևոր է փոխանակման ծրագրերին համալսարանի դասախոսների և ուսանողների մասնակցությունն ու ձեռք բերած փորձը հանրային հաշվետվությունների միջոցով գործընկերներին փոխանցելը:



Նա հույս հայտնեց, որ Օտար լեզուների ուսուցման կենտրոնի գործարկմամբ բուհը Էրազմուս+ ծրագրին մասնակցության առավել մեծ աշխարհագրություն կունենա:

ԱԴՄ մոդուլների 2-րդ փորձարկում՝ ՎՊՀ-ում




Ս/ք փետրվարի 14-ին Վանաձորի պետական համալսարանում (ՎՊՀ) տեղի ունեցավ **Էրազմուս+** ծրագրի երկրորդ պիլոտային դասընթացը՝ բուհի պրոֆեսորադասախոսական կազմի և ուսանողների համար:

Մինչև դասընթացի սկսվելը ՎՊՀ ռեկտոր Ռուստամ Սահակյանը հանդիպում ունեցավ SMARTI նախագծի արտաքին փորձագետներ, Լիվերպուլի գործընկեր համալսարանի աշխատակիցներ Ամանդա Մեյսոնի և Քեյսի Բոմոնտի, ինչպես նաև նախագծի տեղական համակարգող Լուսիկ Վարդանյանի հետ: Նրանք բննարկեցին նախագծի բաժանակում իրականացված և առաջիկայում նախատեսվող աշխատանքների առնչվող հարցեր: Դասընթացն անցկացնող դասախոսներն էին ՎՊՀ օտար լեզուների և գրականության ամբիոնի ասիստենտ, բ.գ.թ. Արինե Դանիելյանը, Էկոնոմիկայի, իրավունքի և կառավարման ամբիոնի դասախոս, տ.գ.թ. Արմինե Գևորգյանը, օտար լեզուների և գրականության ամբիոնի դոցենտ, բ.գ.թ. Գոհար Դոխոյանը և մաթեմատիկայի և ինֆորմատիկայի ամբիոնի ասիստենտ, տեխ.գ.թ. Նունե Խուբլարյանը, որոնք դասերը մշակել և բարելավել էին ԱԴՄ հետևյալ երկու մոդուլների առաջին պիլոտի գնահատման արդյունքների հիման վրա:

Մոդուլ 1. Հաղորդակցական մտտեցում. ուսանողակենտրոն եւ խառը (S2S-ի կիրառմամբ) կամ էլեկտրոնային կրթության ուղղվածություններ,
Մոդուլ 7. ԱԴՄ ուսանողների գնահատման ուղղվածություն (ֆորմալ և այլընտրանքային գնահատում):


Ա. Դանիելյանը ներկայացրեց առաջին մոդուլի տեսական մասը՝ «Ուսանողակենտրոն ուսուցում և կառուցողական ուսուցման տեսություն, նախագծային ուսուցում (հետազոտության վրա հիմնված ուսուցում), բաժանված լսարան»: Արմինե Գևորգյանը անցկացրեց «Գովազդը ռեսուրսային գործարարության մեջ» թեմայով գործնական աշխատանք՝ կիրառելով «Շրջված դասարան» մեթոդը:

Մյուս մոդուլի բաժանակում «Ձևավորող, միավորային, խառնուսուցման գնահատման տեխնիկա և ուղղվածություն» վերնագրով դասը ներկայացրին Գ. Դոխոյանը և Ն. Խուբլարյանը: Գ. Դոխոյանը անդրադարձավ ձևավորող, միավորային և խառնուսուցման գնահատման տեսական հայեցակետերին՝ խոսելով գնահատման այդ ձևերի առավելություններն ու թերությունները: Դասընթացում Ն. Խուբլարյանը և Գ. Դոխոյանը ներկայացրին ձևավորող և ամփոփիչ գնահատման համար S2S արդյունավետ և նորարարական գործիքներ:



Միջոցառման ավարտին ԵՄ ներկայացուցիչներն իրենց գոհունակությունը հայտնեցին ՎՊՀ-ի՝ մինչև այժմ իրականացրած աշխատանքի վերաբերյալ և խրախուսեցին շարունակել ծրագրված աշխատանքները:

ԱԴՄ մոդուլների 2-րդ փորձարկում՝ ԳՊՀ-ում



2024 թ. վետրվար-մարտ ամիսներին Գորիսի պետական համալսարանի ԱԴՄ կենտրոնում SMART ծրագրի շրջանակներում անցկացվեց «Նախամոդուլային ուսումնական պլանի մշակում և կառուցվածքային ձևավորում (Եվրոպական կրեդիտների փոխանցման և կուտակման համակարգի (ԿՓԵՀ), ԵՄ թյունինգի և ԵՄ թյունինգային շրջանակի վերաբերյալ վերապատրաստում)» և «ԱԴՄ մոդուլի ուսումնական պլանի մշակում և ուսուցման ձևավորում» մոդուլների 2-րդ փորձարկումը: Դասընթացին մասնակցում էին ակադեմիական անձնակազմի 32 ներկայացուցիչներ և ուսանողներ: Գործընթացին հետևում էին Լիվերպուլի Ջոն Մուրսի համալսարանի SMARTI ծրագրի երկու փորձագետներ Ամանդա Մեյսոնը և Քեյսի Բոնոնսը, ինչպես նաև ՈԱԱԿ-ի ներկայացուցիչները:

Դասընթացը վարում էին արտաքին կապերի, համագործակցության և լրատվության բաժնի վարիչ, SMARTI ծրագրի տեղական համակարգող Նաիրա Սաֆարյանը, բնագիտական և ինժեներատնտեսագիտական մասնագիտությունների ֆակուլտետի դեկան Լիլիթ Արաբեկյանը (ծրագրի աշխատակից) և օտար լեզուների ամբիոնի դասախոս Նաիրա Մեծումյանը (ծրագրի աշխատակից):


Դասընթացի առանցքում հետևյալ թեմաներն էին.

- ուսումնական պլանի ձևավորման ավանդական մոդելներ,
- հետադարձ (backward), խառը, հիբրիդային և առցանց ծրագրերի ու դասընթացների նկարագրություններ:


Դասերն անցնում էին ինտերակտիվ մթնոլորտում: Դրան նպաստում էին հարցուպատասխանները, մասնակիցների հանձված թերթիկները, որոնք պարունակում էին նաև առաջադրանքներ: Յուրաքանչյուր դասի ավարտին մասնակիցները լրացնում էին առցանց հարցում գործընթացի գնահատման համար:

Դասընթացը հաջողությամբ ավարտվեց ապրիլի 18-ին: ԳՊՀ ռեկտոր Տիգրան Վանդուցը շնորհակալություն հայտնեց դասընթացավարներին, շնորհավորեց մասնակիցներին՝ հանձնելով նրանց հավաստագրեր՝ հաստատված ԳՊՀ-ի ռեկտորի և SMARTI ծրագրի տեղական համակարգողի կողմից: Նաիրա Սաֆարյանը հույս հայտնեց, որ նմանօրինակ դասընթացները շարունակական բնույթ կունենան և ավելի մեծ ներգրավվածություն կլինի:

ՈՐԱԿԻ ԱՊԱՀՈՎՈՒՄ



ԱՌՄ կենտրոնների և մոդուլների արտաքին գնահատում



SMARTI ծրագրի շրջանակներում ՀՀ գործընկեր համալսարաններում ստեղծված ԱՌՄ կենտրոնները և բուհերի մեկնած ու փորձարկված մոդուլները գործընկերային արտաքին գնահատում են անցել: Այդ նպատակով փորձագետները մարտի 1-ից 7-ն ընկած ժամանակահատվածում առցանց հանդիպում-հեռուստահամարձակներ են ունեցել բուհերի ղեկավարների, SMARTI ծրագրի և ԱՌՄ կենտրոնների համակարգողների, դասավանդող անձնակազմի, վերապատրաստված մասնակիցների հետ: Արտաքին գնահատման գործընթացը համակարգել է Մասնագիտական կրթության որակի ապահովման ազգային կենտրոնը (ՈԱԱԿ):

ԱՌՄ կենտրոնները սահմանված ձևաչափով իրենց գործունեության և փորձարկված երկու անգլալեզու մոդուլների ինֆնավերլուծությունն ու SWOT վերլուծությունն են իրականացրել, ապա ներկայացրել փորձագիտական խմբին:

Արտաքին գնահատման ընթացքում փորձագետների ուժադրության կենտրոնում են եղել՝

- ԱՌՄ կենտրոնի դերը՝ բուհի առաքելության իրականացման գործընթացում,
- ԱՌՄ կենտրոնի տեղը՝ բուհի կազմակերպական կառուցվածքում, մյուս ստորաբաժանումների հետ համագործակցության շրջանակը և մեխանիզմները,
- ԱՌՄ կենտրոնի դերը՝ բուհի գրավչության մեծացման և օտարերկրյա ուսանողների ներգրավման գործում,
- գործատուների հետ համագործակցությունը՝ ԱՌՄ կենտրոնի հետագա զարգացման և անգլալեզու նոր մոդուլների ներդրման նպատակով, անգլալեզու մոդուլների ներդրման ֆազաբաժանումները և մասնագիտական ուղղությունների ընտրությունը,
- անգլալեզու մոդուլների դասավանդման ընթացքում կիրառվող մեթոդաբանությունը և գործիքները, դրանց արդյունավետության գնահատման մեխանիզմները,
- SMARTI ծրագրի ավարտից հետո ԱՌՄ կենտրոնի գործունեության շարունակականության և արդյունքների կայունության ապահովման ուղիները,
- սահմանված վերջնադրյունների ձեռքբերման և դասավանդվող մոդուլների որակի ապահովման մեխանիզմները,
- շահակիցների հետ հետադարձ կապը և դրա հիման վրա իրականացվող բարելավման գործիքակազմը և ֆազաբաժանումները:

Արտաքին գնահատման արդյունքներն ամփոփվել են փորձագիտական զեկույցներում, որոնցում նշվել են ԱՌՄ կենտրոնների և դասավանդվող մոդուլների ուժեղ ու թույլ կողմերը, արձանագրված խնդիրների բարելավման ուղղությամբ խորհրդատվությունները՝ շեշտադրելով ԱՌՄ կենտրոնների գործունեության և բուհի ռազմավարական կառավարման փոփոխակցվածությունը, ինչպես նաև կենտրոնի գործունեության կայունության ապահովումը:

Փորձագիտական խորհրդատվությունների հիման վրա ԱՌՄ կենտրոններն առաջիկայում կպատրաստեն բարելավման ծրագրեր:

ՆԱԽԱՏԵՍՎԱԾ ՄԻՋՈՑԱՌՈՒՄՆԵՐ

SMARTI ծրագրի ազգային տեղեկատվական օր և դարընթաց

2024 թ. հուլիսի 29-ից օգոստոսի 2-ը կանցկացվի «SMARTI ծրագրի ազգային իրազեկման օր և վերապատրաստում» միջոցառումը: Այս մեկաբաթյա իրադարձությունը կներառի դասախոսություններ, կարողությունների զարգացման դարընթացներ, որոնց մի մասը կիրականացվի առցանց, մյուս մասը՝ առկա ձևաչափով:

Միջոցառումը կմեկնարկի հուլիսի 29-ին ՀՀ ՊԿԱ-ում: Ազգային իրազեկման օրվան նվիրված միջոցառումներին կհաջորդեն դարընթացները՝ նվիրված դասավանդման առաջադեմ ուղղություններին, տեխնոլոգիաների ներածմանը և անգլերենն ակադեմիական նպատակներով օգտագործելուն: Դարընթացները կվարեն կիվերպուլի Ջոն Մուրսի համալսարանի մասնագետները, որոնք կարձամադրեն համապարփակ գիտելիքներ և օգտակար ռեսուրսներ:

Օգոստոսի 1-ին և 2-ին միջոցառումը կբարունակվի ՎՊՀ-ում: Իրազեկման գործողություններին զուգահեռ կիրականացվեն վերապատրաստման դարընթացներ հիմնականում իրավիճակահեն ուսուցման եղանակով: կիվերպուլի Ջոն Մուրսի համալսարանի և Դրեզդենի տեխնոլոգիական համալսարանի մասնագետների դասավանդմամբ մասնակիցները կտիրապետեն այն գործիքներին, որոնք անհրաժեշտ են ԱԴՄ մեթոդոլոգիայով ուսուցման գործընթացը կազմակերպելու համար:

Ծրագրի եզրափակիչ հանդիպումը՝ ՀԱԱՀ-ում

2024թ. նոյեմբերի 26-29-ը ՀԱԱՀ-ը կհյուրընկալի SMARTI ծրագրի եզրափակիչ համաժողովը, որի ընթացքում կներկայացվեն ծրագրի հաջողություններն ու ազդեցությունները՝ ուղղված Հայաստանում բարձրագույն կրթության զարգացմանը, կտարածվեն ծրագրի արդյունքում ձեռքբերված մանկավարժական ԱԴՄ լավագույն փորձը և անգլերենի ուսուցման նորագույն ուղղամարտությունները, հնարներն ու ռեսուրսները:

Բոլոր նրանց համար, որոնք մտախոզ են Հայաստանում բարձրագույն կրթության ապագայով, սա հրաշալի իրադարձություն է:



SMARTI

ԿՈՆՍՈՐՑԻՈՒՄ

Coordinator



TECHNISCHE
UNIVERSITÄT
DRESDEN

Partners



RIGA TECHNICAL
UNIVERSITY



LIVERPOOL
JOHN MOORES
UNIVERSITY



CATOLICA
FACULTY OF BIOTECHNOLOGY

INSETO



NATIONAL CENTER FOR
PROFESSIONAL EDUCATION
QUALITY ASSURANCE FOUNDATION